

# Y TABLAU DIWEDDARAF AR GYFER 2020/21

## Datganiad ar Ganlyniadau Graddau

### Proffil dosbarthiad graddau'r sefydliad

1. Mae gan PA set gyffredin o gonfensiynau ar gyfer dyfarnu pob gradd israddedig. Mae byrddau arholi yn cael eu rheoli'n ganolog ac mae mesurau gwirio trwyadl ar waith er mwyn sicrhau bod y Brifysgol yn cadw at ei rheoliadau a'i chonfensiynau. Mae adroddiadau blynyddol gan arholwyr allanol yn cadarnhau'n gyson bod y safonau'n cyd-fynd â'r safonau mewn mannau eraill ac â'r safonau trothwy yn y DU. Mae Confensiynau Arholiadau PA yn pennu a yw myfyrwyr yn cael symud ymlaen o'r naill flwyddyn astudio i'r nesaf a'r algorithm i gyfrifo dosbarth y radd a ddyfernir. Mae'r Rheoliadau a'r gweithdrefnau sicrhau ansawdd yn cael eu cyhoeddi ar-lein yn y Llawlyfr Ansawdd Academiaidd (LIAA). <https://www.aber.ac.uk/cy/academic-registry/handbook/>. 2. Data

Canran y Myfyrwyr fesul Dosbarthiad Gradd					
	2016/17	2017/18	2018/19	2019/20	2020/21
1	18%	15%	20%	25%	27%
II(1)	49%	55%	51%	57%	50%
II(2)	29%	27%	25%	18%	21%
III	3%	2%	2%	1%	3%
AEGROTAT	0%	0%	0%	0%	0%
PASS	0%	1%	2%	0%	0%

Mae'r ddwy flynedd o ganlyniadau a ddylanwadwyd gan COVID yn dangos cynnydd yn y graddau dosbarth cyntaf ond llai o arwydd o gynnydd yng nghyfran y graddau ail ddsbarth uchaf. Bydd canlyniadau'r flwyddyn academiaidd nesaf yn rhoi syniad cadarnach o'r proffil dyfarnu y tu hwnt i bandemig. Dylid nodi hefyd bod canlyniadau'r Arolwg Cenedlaethol o Fyfyrwyr unwaith eto'n pwysleisio'r safonau uchel o addysgu ac asesu/adborth a ddarperir gan staff academiaidd. Rhaid bod hyn hefyd yn cyfrannu at y safon uchel barhaus a ddangosir yn y data hyn.

Canran y Dosbarthiadau Gradd fesul Pwnc						
		2016/17	2017/18	2018/19	2019/20	2020/21
STEM	1	21%	18%	24%	27%	31%
	II(1)	46%	50%	49%	52%	45%
	II(2)	29%	28%	23%	20%	21%
	III	4%	3%	2%	1%	4%
	AEGROTAT	0%	0%	0%	0%	0%
	PASS	0%	1%	2%	0%	0%
AHSSBL	1	16%	12%	17%	23%	21%
	II(1)	52%	60%	54%	61%	57%
	II(2)	29%	26%	26%	16%	20%
	III	2%	1%	1%	0%	2%
	AEGROTAT	0%	0%	0%	0%	0%
	PASS	0%	1%	2%	0%	0%

Mae'r cyfrannau hyn yn adlewyrchu'r darlun cenedlaethol bod dyfarniadau uwch yn fwy cyffredin mewn pynciau STEM.

<https://www.hesa.ac.uk/data-and-analysis/students/outcomes/breakdown#>

Fodd bynnag, mae cynnydd sylweddol hefyd y gellir ei briodoli i COVID a'r polisi 'dim anfantais' a oedd ar waith bryd hynny.

Canran y Dosbarthiadau Gradd fesul Rhyw						
		2016/17	2017/18	2018/19	2019/20	2020/21
Benyw	1	20%	16%	23%	27%	28%
	II(1)	52%	60%	54%	58%	51%
	II(2)	25%	23%	22%	15%	19%
	III	2%	1%	1%	0%	2%
	AEGROTAT	0%	0%	0%	0%	0%
	PASS	0%	0%	1%	0%	0%
Gwryw	1	16%	13%	18%	22%	25%
	II(1)	47%	51%	49%	55%	48%
	II(2)	33%	30%	28%	21%	23%
	III	4%	3%	3%	1%	4%
	AEGROTAT	0%	0%	0%	0%	0%
	PASS	0%	1%	4%	0%	0%

Fel yn y blynyddoedd blaenorol, mae myfyrwyr benywaidd yn cael canlyniadau uwch na myfyrwyr gwrywaidd. Er bod y maint yn newid, mae'r gwahaniaeth yn aros rhwng 3 a 5%. Mae hyn yn unol â'r canlyniadau cenedlaethol a gyhoeddwyd gan HESA <https://www.hesa.ac.uk/data-and-analysis/students/outcomes>. Dylid nodi bod yr ystadegau'n fwy cymhleth yn sgil y ffaith fod niferoedd gwahanol o fyfyrwyr gwrywaidd a benywaidd yn dewis pynciau gwyddoniaeth, technoleg, peirianeg a mathemateg (STEM).

Canran y Dosbarthiadau Gradd yn ôl Addysg y Rhieni						
		2016/17	2017/18	2018/19	2019/20	2020/21
Rhieni Chymhwyster AU	1	20%	16%	22%	27%	29%
	II(1)	51%	56%	55%	55%	52%
	II(2)	26%	25%	20%	16%	17%
	III	3%	3%	1%	1%	1%
	AEGROTAT	0%	0%	0%	0%	0%
	PASS	0%	1%	2%	0%	0%
Rhieni heb Gymhwyster AU	1	18%	11%	22%	28%	26%
	II(1)	51%	60%	51%	57%	50%
	II(2)	28%	26%	24%	15%	21%
	III	3%	2%	1%	1%	4%
	AEGROTAT	0%	0%	0%	0%	0%
	PASS	0%	1%	2%	0%	0%
Ddim yng wybod / Anhysbys / Gwrthod ateb	1	17%	16%	18%	21%	28%
	II(1)	45%	51%	48%	58%	46%
	II(2)	34%	30%	29%	20%	23%
	III	4%	2%	2%	1%	3%
	AEGROTAT	0%	0%	0%	0%	0%
	PASS	0%	1%	2%	0%	0%

Mae'n anodd cadarnhau tuedd bendant dros amser, fodd bynnag, mae gan fyfyrwyr sydd â rhieni â chymhwyster Addysg Uwch raddau ychydig yn uwch yn ystod y ddwy flynedd diwethaf. Mae gwahaniaeth bach yn y data os cyfrifir cyfartaledd o 5 mlynedd ond mae hyn yn parhau i fod yn fach ac felly mae'n debygol nad yw'n arwyddocaol.

Canran y Dosbarthiadau Gradd yn ôl Oed Mynediad						
		2016/17	2017/18	2018/19	2019/20	2020/21
Iau na 21	1	16%	11%	19%	27%	32%
	II(1)	57%	61%	59%	58%	54%
	II(2)	25%	25%	22%	15%	14%
	III	2%	2%	1%	0%	0%
	AEGROTAT	0%	0%	0%	0%	0%
	PASS	0%	0%	0%	0%	0%
ah yn 21	1	20%	17%	22%	23%	24%
	II(1)	42%	51%	45%	56%	47%
	II(2)	33%	28%	27%	20%	25%
	III	4%	2%	2%	1%	5%
	AEGROTAT	0%	0%	0%	0%	0%
	PASS	0%	1%	4%	0%	0%

Mae cymryd cyfartaledd o 5 mlynedd yn dangos bod ymgeiswyr hŷn yn cyflawni cyfradd uwch o raddau dosbarth cyntaf; yn wrth-reddfol, maent hefyd yn cyflawni cyfradd is o anrhydeddau da. Mae'n bosibl bod hyn yn adlewyrchu'r amrywiaeth o ran cefndir a safonau mynediad academiaidd myfyrwyr hŷn. Mae'r darlun cenedlaethol, a welir hefyd yn PA, o gyfradd uwch o ran tynnu'n ôl ymhlith myfyrwyr hŷn yn golygu ei bod hi'n anodd dod i gasgliadau ar sail y data hyn. Mae hyn oherwydd bod myfyrwyr a dynnodd yn ôl yn ystod eu cwrs yn cael eu heithrio o'r data cymhwyster.

Mae'r blynyddoedd diwethaf yn awgrymu bod y pandemig yn ffafrio myfyrwyr yng ngrŵp oedran dan 21 oed yn llawer mwy na myfyrwyr hŷn. Gall hyn fod oherwydd y newidiadau mewn technoleg dysgu neu oherwydd bod myfyrwyr iau yn fwy cyfarwydd â dysgu ar-lein.

Dylid nodi, mewn perthynas â darpariaeth PA gyda phartneriaid, oherwydd bod y niferoedd hyn mor fach ni ellir eu rhoi mewn tabl gan y gellid adnabod yr unigolion dan sylw.

#### Arferion asesu a marcio

3. Ceir sicrwydd ynghylch yr arferion asesu a marcio yn sgil ymwneud ag arholwyr ac aseswyr allanol, o'r adeg pan fo rhaglenni'n cael eu datblygu hyd y cyfnodau cyflawni, asesu a monitro blynyddol. Mae prosesau adolygu cylchol yn cynnig golwg fwy hirdymor ar berfformiad a chyflawniad myfyrwyr fesul pwnc. Bob blwyddyn, mae tua 70 o arholwyr allanol academiaidd israddedig ar lefel pynciau yn cael eu rheoli trwy gyfrwng tîm canolog, ac yn cael eu goruchwyllo gan Fwrdd Academiaidd. Mae bwrdd dyfarnu graddau terfynol y Senedd yn cynnwys craffu allanol ar brosesau PA gan weinyddwr uwch o brifysgol arall yn y DU.
4. Mae arholwyr allanol yn rhan allweddol o'r broses sicrwydd. Mae'r rhai a benodir yn academyddion a chanddynt brofiad ym maes asesu, cynllunio'r cwricwlwm, a chyfoethogi profiad myfyrwyr. Mae'r meini prawf ar gyfer eu penodi, a'u swyddogaeth, yn cael eu hamlinellu yn y Llawlyfr Ansawdd Academiaidd, a darperir sesiwn frifio ar-lein ar gyfer yr holl arholwyr allanol newydd. Rhoddir crynodeb a throsolwg o adroddiadau arholwyr allanol i'r Senedd bob blwyddyn. Mae staff Aberystwyth hefyd yn gweithredu fel arholwyr allanol ac aelodau o baneli mewn sefydliadau eraill, ac yn ymwneud â datblygu staff, gan gynnwys fel cymrodorion Advance HE, a hynny oll yn cyfrannu at ymwybyddiaeth ehangach o bwyntiau cyfeirio allanol a meincnodau pwnc.
5. Mae'r LIAA yn amlinellu'r prosesau ac yn rhoi arweiniad o ran gweithdrefnau asesu, marcio a safoni, a sut i ymdrin ag amgylchiadau arbennig ac apeliadau. Mae arsylwyr mewnol annibynnol yn bresennol mewn byrddau arholi adrannol, yn ogystal ag arholwyr allanol pynciol, ac mae adrannau yn dadansoddi canlyniadau yn rhan o broses y bwrdd arholi. Mae pob darn o waith, gan gynnwys arholiadau, yn cael ei farcio ar sail meini prawf a amlinellir i'r myfyrwyr ar ddechrau pob modiwl. Mae adroddiadau blynyddol ar lefel a math yr apeliadau academiaidd yn dangos eu bod yn cael eu gwneud ar sail amgylchiadau arbennig ac yn rhoi rhagor o sicrwydd bod y prosesau marcio a safoni yn effeithiol. Y Cyfadrannau unigol sy'n ymdrin ag amgylchiadau arbennig, ac mae'r argymhellion yn cael eu hadolygu'n ganolog ac achosion anodd yn cael eu cyfeirio at banel canolog amgylchiadau arbennig y Senedd.

#### Llywodraethu academiaidd

6. Mae Pwyllgorau Materion Academiaidd y Cyfadrannau yn adrodd ymlaen i'r Bwrdd Academiaidd ac yna i'r Senedd, sy'n gyfrifol am safonau academiaidd, sicrwydd ansawdd a datblygu'r holl ddarpariaeth. Mae trefniadau partneriaeth yn cael eu goruchwyllo gan y Bwrdd Darpariaeth Gydweithredol, sydd hefyd yn adrodd i'r Senedd. Bwrdd Arholi'r Senedd yw'r corff dyfarnu graddau y mae'r holl fyrdau

adrannol yn adrodd iddo. Mae'r Bwrdd Academaidd a'r Senedd yn cael cyfle i gyfrannu at y Datganiad hwn ar Ganlyniadau Graddau, ac i wneud sylwadau arno ac mae'r datganiad Sicrhau Ansawdd blynyddol yn rhoi trosolwg i'r corff llywodraethu ar y sefyllfa o ran sicrhau ansawdd, gan gynnwys gweithgareddau partneriaeth.

#### Algorithmau dosbarthiad graddau

7. Mae'r system dosbarthiad graddau anrhydedd yn cael ei phennu ar sail set gyffredin o gonfensiynau. Mae'r 'rhaeadr' yn seiliedig ar gyfartaledd wedi'i bwysoli yr holl fodiwlau a astudiwyd yn rhan dau ac sy'n cyfrannu at y radd derfynol. Mae'n galluogi i fyfyrwyr wneud iawn am berfformiad gwael ar gam cynharach; yn canolbwyntio ar berfformiad da ac yn ei wobrwyo, heb roi cosbau gormodol am fethiant; mae'n gallu ymdopi â gwahanol gyfuniadau posibl o lefelau a modiwlau a chanddynt bwysoliad gwahanol o ran credydau, gan roi pwysoliad is i fodiwlau ar lefel is. Nid yw'r algorithm wedi cael ei newid ers ei gyflwyno yn y 1990au, ac eithrio'r pwysoliad a roddir i astudiaethau ar flwyddyn dramor. Fel arfer bydd myfyrwyr yn cael eu hasesu'n syth wedi iddynt gwblhau'r dysgu, a chaniateir dau gyfle iddynt ailsefyll am farc wedi'i gapio (40% ar gyfer lefel 4, 5 a 6 y Fframwaith Cymwysterau Addysg Uwch a 50% ar gyfer lefel 7). Ni chaniateir ailasesu ar gyfer unrhyw fodiwlau sy'n cael eu pasio.

#### Arferion addysgu ac adnoddau dysgu

8. Mae'r Brifysgol yn parhau i fuddsoddi mewn gwelliannau o ran adnoddau dysgu ac i gefnogi arloesi mewn arferion addysgu ac mae Uned Datblygu Dysgu ac Addysgu arbennig yn cefnogi'r staff academaidd. Mae arferion cyffredinol yn cynnwys: gorfodaeth i gipio/recordio pob darlith; y gallu i gyflwyno gwaith cwrs yn electronig, gyda marcio ac adborth ar-lein; egwyddorion adborth effeithiol, gan gynnwys canllawiau ar gyfer adborth ar arholiadau; polisi presenoldeb wedi'i gyfuno â monitro presenoldeb; defnyddio dadansoddeg dysgu a'r dangosfwrdd ymroddiad gan diwtoriaid personol a hefyd ymyriadau rhagweithiol â myfyrwyr sy'n isel o ran eu hymroddiad; isafswm presenoldeb gofynnol ar yr amgylchedd dysgu rhithiol; rhestrau darllen gorfodol ar gyfer pob modiwl; adnewyddu ystafelloedd dysgu a chreu gofodau dysgu cymdeithasol; Cyd-academyddion yn cefnogi Addysgu a rhannu arferion addysgu effeithiol trwy gyfrwng y gynhadledd flynyddol ar ddysgu ac addysgu, Gwobr y Cwrs Nodedig a'r rhaglen DPP; a Holiaduron Gwerthuso Modiwlau ledled y Brifysgol.

#### Nodi arferion da, a chymau gweithredu

9. Mae gweithredu un algorithm graddau ledled y Brifysgol yn arfer da, ac mae prosesau a reolir yn ganolog yn helpu i sicrhau bod y rheolau'n cael eu rhoi ar waith yn gyson ledled yr holl adrannau academaidd. Er mwyn gwella rhagor ar y cysondeb, bydd gwaith yn parhau i adolygu gweithdrefnau er mwyn canfod ymhle y gallai rhagor o weithgareddau gweithredol gael eu hawtomateiddio.

#### Risgiau a heriau

10. Er ein bod yn hyderus nad oes unrhyw risgiau sylweddol wedi'u nodi, byddwn yn cadw golwg fanwl ar nifer y graddau dosbarth cyntaf a bydd y data dros y blynyddoedd nesaf yn helpu i roi syniad clir o'r proffil dyfarnu y tu hwnt i bandemig. Y datganiad blynyddol o sicrwydd ansawdd i'r Corff Llywodraethu yw'r dull o adrodd ynghylch prosesau sicrwydd ansawdd, gan dynnu sylw at weithgarwch y flwyddyn flaenorol. Mae system goleuadau traffig yn dangos lefel y pryder yn erbyn y materion allweddol a nodwyd o fewn y crynodeb gweithredol yn yr adroddiad.

Tachwedd 2022 Datganiad ar Ganlyniadau Graddau PA, diweddarwyd gyda data terfynol 2020/21 (Cyflwynwyd i'r Senedd Tachwedd 2022)